

სსიპ - არასაპატიმრო სასჯელთა აღსრულებისა და პრობაციის ეროვნული სააგენტო



შპს „პერსპექტივას“ 2015 წლის აუდიტორული მომსახურების
შესყიდვის გამარტივებული ელექტრონული ტენდერი

სატენდერო დოკუმენტაცია

ქ. თბილისი 2016 წელი

1. ინსტრუქცია ტენდერში მონაწილეობის

- 1.1 გამარტივებული ელექტრონულ ტენდერში მონაწილეობისათვის იხილეთ ვებ-გვერდი: www.procurement.gov.ge: „სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო“, სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანება „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“.
- 1.2 პრეტენდენტის მიერ ერთიან ელექტრონულ სისტემაში ატვირთული ყველა დოკუმენტი უნდა იყოს ხელმოწერილი უფლებამოსილი პირის მიერ და დამოწმებული სათანადო ბეჭდით (ასეთის არსებობის შემთხვევაში).
- 1.3 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში.
- 1.4 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.
- 1.5 სატენდერო წინადადება, ასევე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნეს ქართულ ენაზე.
- 1.6 ალტერნატიული სატენდერო წინადადების წარმოდგენა დაუშვებელია.

2. ტექნიკური დოკუმენტაცია

- 2.1 საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:
- 2.1.1 **იურიდიული პირებისათვის:**
- 2.1.1.1 საკვალიფიკაციო მოთხოვნების გარეშე.
- 2.1.2 **ფიზიკური პირებისათვის:**
- 2.1.2.1 საკვალიფიკაციო მოთხოვნების გარეშე.
- 2.1.3 **როგორც იურიდიული, ასევე ფიზიკური პირებისათვის:**
- (1) პრეტენდენტის შეთავაზება **დანართი #1**-ის მიხედვით.
 - (2) პრეტენდენტ აუდიტორულ ფირმას ან/და მასში დასაქმებულ აუდიტორს 2013 წლიდან 2016 წლის 1 სექტემბრამდე, უნდა გააჩნდეს არანაკლებ 5 (ხუთი) აუდიტის ჩატარების გამოცდილება (სატენდერო წინადადებასთან ერთად ატვირთული უნდა იქნეს შემოწმებული ობიექტის სია);
 - (3) პრეტენდენტს აუდიტორულ ფირმაში დასაქმებულ აუდიტის განმახორციელებელ არანაკლებ ერთ პირს უნდა გააჩნდეს საქართველოს პარლამენტთან არსებული აუდიტორული საქმიანობის საბჭოს მიერ გაცემული სერტიფიკატი.
 - (4) პრეტენდენტს უნდა გააჩნდეს სადაზღვევო კომპანიის მიერ გაცემული პროფესიონალური დაზღვევის პოლისი.
 - (5) პრეტენდენტს უნდა გააჩნდეს საიდუმლო მასალებთან დაშვების უფლება;
- 2.2 პრეტენდენტის მიერ წარდგენილი წინადადება ძალაშია სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე;
- 2.3 ელექტრონული გარანტიის მოქმედების ვადა უნდა განისაზღვროს: გამარტივებული ელექტრონული ტენდერის შემთხვევაში – არანაკლებ 120 (ასოცი) კალენდარული დღით ტენდერისათვის სტატუსის „წინადადების მიღება დაწყებულია“ მინიჭების თარიღის შემდეგ;
- 2.4 **პრეტენდენტის მიერ სისტემაში ტექნიკური დოკუმენტაციის სახით ატვირთული უნდა იყოს:**
- (1) პრეტენდენტის შეთავაზება **დანართი #1**-ის მიხედვით.
 - (2) 2013 წლიდან 2016 წლის 1 სექტემბრამდე, შემოწმებული ობიექტების სია;
 - (3) საქართველოს პარლამენტთან არსებული აუდიტორული საქმიანობის საბჭოს მიერ გაცემული სერტიფიკატი.
 - (4) სადაზღვევო კომპანიის მიერ გაცემული პროფესიონალური დაზღვევის პოლისი.
 - (5) საიდუმლო მასალებთან დაშვების დამადასტურებელი დოკუმენტი;
- 2.5 **ანგარიშსწორების პირობები:**
- 2.5.1 სატენდერო წინადადებაში საერთო ფასი გამოსახული უნდა იყოს მომსახურებასთან დაკავშირებული ყველა ხარჯისა და საქართველოს კანონმდებლობით გათვალისწინებული გადასახადების გათვალისწინებით.
- 2.5.2 ანგარიშსწორება განხორციელდება ეტაპობრივად, „მიწოდების“ მიერ წარმოდგენილი საგადასახადო დოკუმენტაციის და მიღება-ჩაბარების აქტის საფუძველზე, არაუგვიანეს მიღება-ჩაბარების აქტის გაფორმებიდან **10 (ათი) სამუშაო დღეში**.
- 2.5.3 დაფინანსების წყარო: **2016 წლის საბიუჯეტო ასიგნებები**.
- 2.5.4 წინასწარი ანგარიშსწორება არ გამოიყენება.
- 2.6 **მიწოდების პირობები და ვადები:**
- 2.6.1 მომსახურების გაწევა უნდა განხორციელდეს ხელშეკრულების გაფორმებიდან **25 (ოცდახუთი) კალენდარული დღის განმავლობაში**.
- 2.6.2 მომსახურების მიწოდება „მიწოდებელმა“ უნდა უზრუნველყოს შემდეგ მისამართზე: ქ. თბილისი, ალ. ყაზბეგის გამზ. #42.

2.7 ფასები:

- 2.7.1 პრეტენდენტმა უნდა ატვირთოს სისტემის მეშვეობით ფასების ცხრილი **დანართი #2**-ის შესაბამისად.
- 2.7.2 პრეტენდენტის მიერ შემოთავაზებული ფასი უნდა მოიცავდეს მომსახურების გაწევასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.
- 2.7.3 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, პრეტენდენტს მოეთხოვება **ფასწარმოქმნის ადეკვატურობის დასაბუთება**, რისთვისაც შემსყიდველის მიერ განესაზღვრება არაუმეტეს **5 (ხუთი) სამუშაო** დღე. ფასწარმოქმნის ადეკვატურობის დასაბუთება უნდა მოხდეს სსიპ „ლევან სამხარაულის სახელობის ექსპერტიზის ეროვნული ბიუროს“ ან სერტიფიცირებული აუდიტორის მიერ გაცემული შესაბამისი დასკვნის საფუძველზე. ამასთან, ფასწარმოქმნის ადეკვატურობის დასაბუთების წარმოდგენლობა გამოიწვევს პრეტენდენტის დისკვალიფიკაციას „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანებით დამტკიცებული წესის მე-13 მუხლის მე-2 პუნქტის „ა“ ქვეპუნქტის საფუძველზე, გარდა იმ შემთხვევისა, როდესაც სახეზეა ამ წესის მე-13 მუხლის მე-2 პუნქტის „ზ“ ქვეპუნქტით გათვალისწინებული საფუძველი. პრეტენდენტის მიერ წარმოდგენილი ფასწარმოქმნის ადეკვატურობის დასაბუთება დაზუსტებას არ ექვემდებარება.

3. დამატებითი ინფორმაცია

3.1 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქ. თბილისი, ალ. ყაზბეგის გამზ. #42.

3.2 საკონტაქტო პირი: ნინო გოგია ტელ: (+995 32) 210 59 73/72

ხელშეკრულება სახელმწიფო შესყიდვის შესახებ

(პროექტი)

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

ერთის მხრივ,

საჯარო სამართლის იურიდიული პირი - არასაპატიმრო სასჯელთა აღსრულებისა და პრობაციის ეროვნული სააგენტო, წარმოდგენილი სააგენტოს უფროსის მოადგილის გიორგი ჩიფჩიურის სახით,

მისამართი: ქ. თბილისი, ალ. ყაზბეგის გამზ. #42;

საიდენტიფიკაციო კოდი: 204 534 502;

საბანკო რეკვიზიტები: სახელმწიფო ხაზინა;

ბანკის კოდი: 220 101 222;

ანგ/ნომერი: 200 122 900;

(შემდგომში „შემსყიდველი“)

და მეორეს მხრივ ----- წარმოდგენილი ----- სახით

მისამართი: -----

საიდენტიფიკაციო კოდი:

საბანკო რეკვიზიტები:

ბანკის კოდი:

ა/ა:

(შემდგომში „მიმწოდებელი“)

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და უწევს მომსახურებს სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1 ხელშეკრულების საგანს წარმოადგენს სსიპ - არასაპატიმრო სასჯელთა აღსრულებისა და პრობაციის ეროვნული სააგენტოს საჭიროებისათვის:

o შპს „პერსპექტივას“ 2015 წლის აუდიტორული მომსახურების შესყიდვა.

o CPV კოდი: CPV 79212000 - აუდიტორული მომსახურება.

- 2.2 მომსახურების დეტალური აღწერა მოცემულია დანართი #_-ში.

- 2.3 ხელშეკრულების ფარგლებში გაწეული მომსახურება უნდა შეესაბამებოდეს ტექნიკურ პირობებში მითითებულ სტანდარტებს.

3. ხელშეკრულების ღირებულება

- 3.1 ხელშეკრულების საერთო ღირებულება შეადგენს - _____ ლარს (თანხა სიტყვიერად).

- 3.2 ხელშეკრულების ღირებულებაში შედის საქართველოს კანონმდებლობით გათვალისწინებული ყველა გადასახადი, რომლის გადახდა ეკისრება „მიმწოდებელს“.

4. მომსახურების გაწევის პირობები

- 4.1 მომსახურების გაწევა განხორციელდება ეტაპობრივად, ხელშეკრულების გაფორმებიდან **25 (ოცდახუთი) კალენდარული დღის განმავლობაში**.
- 4.2 მომსახურების მიწოდება „მიმწოდებელმა“ უნდა უზრუნველყოს შემდეგ მისამართზე: ქ. თბილისი, **ალ. ყაზბეგის გამზ. #42**. შპს „პერსპექტივას“ ოფისში.
- 4.3 გასაწევი მომსახურების ტექნიკური პირობები იხილეთ **დანართი #_ში**.
- 4.4 „მიმწოდებელი“ ვალდებულია გაუწიოს „შემსყიდველს“ უფლებრივად და ხარისხობრივად უნაკლო მომსახურება.

5. შესყიდვის ობიექტის მიღება-ჩაბარების წესი

- 5.1 შესყიდვის ობიექტის მიღება-ჩაბარება განხორციელდება ერთიანად „შემსყიდველისა“ და „მიმწოდებლის“ უფლებამოსილი წარმომადგენლის მიერ მიღება-ჩაბარების აქტის გაფორმებით.
- 5.2 „შემსყიდველის“ მხრიდან მიღება-ჩაბარების აქტის გაფორმებაზე პასუხისმგებელი პირები არიან სსიპ - არასაპატიმრო სასჯელთა აღსრულებისა და პრობაციის ეროვნული სააგენტოს და შპს „პერსპექტივას“ უფლებამოსილი წარმომადგენლები.
- 5.3 მიღება-ჩაბარების აქტის გაფორმებასთან ერთად, „მიმწოდებელი“ ვალდებულია წარმოდგინოს „შემსყიდველს“ საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

6. ანგარიშსწორება

- 6.1 ანგარიშსწორება მოხდება უნაღდო ანგარიშსწორებით ლარში, ფაქტიურად გაწეული მომსახურების ღირებულების მიხედვით.
- 6.2 ანგარიშსწორება განხორციელდება ერთიანად, „მიმწოდებლის“ მიერ წარმოდგენილი საგადასახადო დოკუმენტაციის და მიღება-ჩაბარების აქტის საფუძველზე, არაუგვიანეს მიღება-ჩაბარების აქტის გაფორმებიდან **15 (თხუთმეტი) სამუშაო დღეში**.
- 6.3 დაფინანსების წყარო: **2016 წლის საბიუჯეტო ასიგნებები**.
- 6.4 წინასწარი ანგარიშსწორება არ გამოიყენება.

7. ფასები

- 7.1 შესყიდვის ობიექტის ფასი განისაზღვრება ლარებში.
- 7.2 ფასების ცვლილების შესახებ ამ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

8. ხელშეკრულების შესრულების კონტროლი

- 8.1 „შემსყიდველს“ ან მის წარმომადგენლებს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი „მიმწოდებლის“ მიერ ნაკისრი ვალდებულებების შესრულებაზე და განახორციელონ მომსახურების ხარისხის პერიოდული ინსპექტირება.
- 8.2 „მიმწოდებელი“ ვალდებულია საკუთარი რესურსებით უზრუნველყოს „შემსყიდველი“, კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ „შემსყიდველი“ კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით „შემსყიდველი“.
- 8.3 „მიმწოდებელი“ ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა შენიშვნის აღმოფხვრა.
- 8.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.
- 8.5 „მიმწოდებლის“ მიერ ხელშეკრულებით ნაკისრი ვალდებულებების შესრულების კონტროლს „შემსყიდველის“ მხრიდან განახორციელებს სსიპ - არასაპატიმრო სასჯელთა აღსრულებისა და პრობაციის ეროვნული სააგენტოს ეკონომიკური სამმართველოს მრჩეველი - ნინო გოგია და ბუღალტერი - უჩა გამყრელიძე. ასევე შპს „პერსპექტივას“ დირექტორი - ლევან გოზალიშვილი.

9. ხელშეკრულებაში ცვლილებების შეტანა

- 9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

- 9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან „შემსყიდველისათვის“ პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.
- 9.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10%-ზე მეტი ოდენობით გაზრდა.
- 9.5 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. უფლებების გადაცემა

- 10.1 „მიმწოდებელმა“ „შემსყიდველის“ წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

11. ხელშეკრულების პირობების შეუსრულებლობა

- 11.1 ფორს-მაჟორული პირობების გარდა, „მიმწოდებლის“ მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.
- 11.2 ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის „მიმწოდებელს“ დაეკისრება პირგასამტეხლოს გადახდა - ყოველ გადაგადაცილებულ დღეზე ხელშეკრულების ღირებულების 0.1%-ის ოდენობით, ხოლო, თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 0.1%-ს.
- 11.3 საჯარიმო სანქციის გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან.
- 11.4 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, „შემსყიდველს“ უფლება აქვს ცალმხრივად შეწყვიტოს ხელშეკრულება.

12. ხელშეკრულების შეწყვეტა მისი პირობების შეუსრულებლობის გამო

- 12.1 „შემსყიდველს“ შეუძლია მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შეუსრულებლობის წერილობითი შეტყობინების შემდეგ:
- 12.1.1 თუ „მიმწოდებელს“ ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია უზრუნველყოს მომსახურების სრულად ან მისი ნაწილის შესრულება;
- 12.1.2 თუ „მიმწოდებელს“ არ შეუძლია შეასრულოს ხელშეკრულებით გათვალისწინებული, რომელიმე ვალდებულება.
- 12.2 ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან.
- 12.3 „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
- 12.3.1 თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 12.3.2 „მიმწოდებლის“ გაკოტრების შემთხვევაში;
- 12.3.3 თუ მისთვის ცნობილი გახდება, რომ „მიმწოდებლის“ საკვალიფიკაციო მონაცემების დამადასტურებელი დოკუმენტები ყალბი აღმოჩნდება;
- 12.3.4 საქართველოს კანონმდებლობით გათვალისწინებულ სხვა შემთხვევებში.
- 12.4 ზემოთ მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად გაწეული მომსახურების ღირებულება.

13. ფორს-მაჟორი

- 13.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის

დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

- 13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით, სტიქიური მოვლენებით, ეპიდემიით, კარანტინით და საქონლისა ან/და მომსახურების მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

14. სადაო საკითხების გადაწყვეტა

- 14.1 „შემსყიდველმა“ და „მიმწოდებელმა“ ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.
- 14.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში „შემსყიდველი“ და „მიმწოდებელი“ ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულებით სხვა რამ არ არის გათვალისწინებული.

15. გამოყენებული სამართალი

- 15.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. ხელშეკრულების ენა

- 16.1 ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება „მიმწოდებლისათვის“ მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

17. შეტყობინება

- 17.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის ან ელ. ფოსტის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.
- 17.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

18. გადასახადები და დაბეგვრა

- 18.1 უცხოელი მიმწოდებელი პასუხს აგებს შესასრულებელი სამუშაოებისთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.
- 18.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე.

19. ხელშეკრულების მოქმედების ვადა

წინამდებარე ხელშეკრულება ძალაშია ზემოთ მითითებული თარიღიდან და მოქმედებს 2016 წლის 31 დეკემბრამდე.

20. სხვა პირობები

- 20.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 20.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 20.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი „მიმწოდებელთან“ და ერთი პირი „შემსყიდველთან“). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 20.4 დანართები თან ერთვის ხელშეკრულებას და წარმოადგენს მის განუყოფელ ნაწილს.
- 20.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შემსყიდველი:

მიმწოდებელი:

სსიპ - არასაპატიმრო სასჯელთა აღსრულებისა და
პრობაციის ეროვნული სააგენტო

გიორგი ჩიფჩიური

პრეტენდენტის შეთავაზება

1.	პრეტენდენტის იურიდიული ფორმა და დასახელება:	
	ხელმძღვანელის სახელი და გვარი:	
	პრეტენდენტის იურიდიული ან/და ფაქტიური მისამართი:	
	საიდენტიფიკაციო კოდი:	
	პრეტენდენტის ტელეფონის ნომერი:	
	ელექტრონული მისამართი:	
	ბანკი:	
	ბანკის კოდი:	
	ანგარიშის ნომერი:	
2.	სისტემაში შემოთავაზებული სატენდერო წინადადების ფასი:	
3.	მომსახურების გაწევის ვადა:	
4.	მოკლე ინფორმაცია აუდიტორული კომპანიის საერთო გამოცდილების შესახებ:	

პრეტენდენტის ხელმოწერა _____

ფასების ცხრილი

#	მომსახურების დასახელება/ აღწერილობა	ღირებულება
1		
2		
3		
4		
5		
ჯამი		

პრეტენდენტის ხელმოწერა _____

ტექნიკური დავალება

შპს „პერსპექტივას“ 2015 წლის ფინანსური ანგარიშგებისა და 2015 წლის საგადასახადო საქმიანობის
აუდიტორული შემოწმება

მომსახურება უნდა განხორციელდეს საქართველოში აღიარებული საერთაშორისო სტანდარტებითა და მოქმედი კანონმდებლობით დადგენილი წესების დაცვით.

აუდიტორული შემოწმების მომსახურება მოიცავს აუდიტორულ შემოწმებასა და შესაბამისი აუდიტორული დასკვნისა და რეკომენდაციების გაცემას.

სავარაუდო ღირებულება - 4 900 ლარი.

#	მომსახურების დასახელება
1	2015 წლის ფინანსური ანგარიშგების აუდიტი
2	2015 წლის საგადასახადო აუდიტი
3	განხორციელებული სახელმწიფო შესყიდვების აუდიტი (111 ცალი ხელშეკრულება, ჯამური ღირებულებით 142 338 ლარის ოდენობით, მ.შ 8 ცალი ტენდერის საშუალებით გაფორმებული)
4	2015 წლის საანგარიშო პერიოდის დეკლარაციების (დღგ, საშემოსავლო), ასევე მოგებისა და ქონების დეკლარაციების შემოწმება
5	წლიური აუდიტორული შემოწმების დასკვნის მომზადება (დანართი უნდა მოიცავდეს 2015 წლის წლიურ ანგარიშს როგორც ფინანსურ, ასევე საგადასახადო მიზნებისათვის).
სულ:	

შენიშვნა: საანგარიშო წლის ფინანსური ანგარიშგების შესახებ აუდიტორული დასკვნის წარდგენა სააგენტოში აუდიტორმა კომპანიამ ან/და აუდიტორმა უნდა უზრუნველყოს ხელშეკრულების გაფორმებიდან 25 (ოცდახუთი) კალენდარული დღის განმავლობაში.